

奉帝救火急奉行

以符付請符人急持到家以新汲水今患人面異方吞下

道法會元卷之五十八

道法會元卷之五十九

上清玉樞五雷真文

立獄收邪


凡治大妖山魃五通樹石之精狐狸邪鬼毒表飛尸蠱毒癘疰水怪疫癘流精虺瓦盜人物色迷惑美女後生男子僧尼孀婦思慮動念飛精託附狂言妄語叫笑歌唱持刀執斧入水奔火罵詈狂走此等之祟不可尋常治之宜牒本處城隍申聞東嶽雷霍官將收捉立獄於乾亥之地禁治以爐灰細篩以驗形跡令反面光細八九寸闊四畔關閉作門向東南巽方每用竹一莖長六寸以皂帛繫之釘在獄心法師持水仗劍從東丁步至獄門呪曰

天丁地丁玉女真靈千和萬合統御神兵收捕桃賔赴獄桎辛吾奉北帝敕命律令雷師火伯吞鬼食精急急如火炎令

法師誦呪二七遍喝神將收捕鬼祟封押鎖閉獄房差神將守護無令泄漏獄情次呪水過屋梁洒立要崇跡上獄如法看驗


是何鬼祟方作牒狀解赴東嶽或鄧都乞依法律斷遣仍給符水與患人吞帶貼鎮門戶仍立香火供養獄中主者諸將吏兵次用酒果錢馬犒賞神將獄吏仍具獄如後式

陽明之獄




此獄收禁山魃之鬼大跡不過指小跡如筋頭或如葉豆孟是家先同情

幽臺長夜之獄




此獄收禁家先幽鬼蠱毒精怪

風雷火車獄



此獄收禁壇社野狐飛精顛狂之鬼
流火毒蛇獄

毒氣猛火獄



此獄收禁水怪龍蛇木石魚雞等精

普掠獄 大獄二尺八寸 小獄一尺



此獄收禁無道鬼崇立此獄一座皆能攝入大獄

辯獄中跡

雞跡客亡之鬼人跡小者木下神鴉鴨跡帶血傷亡貓跡廟神鞋履跡麓大山魃五通繩索跡自縊鬼柳鎖跡獄死鬼刀跡遊奕之神豆跡伏屍幽陰之鬼牛馬跡神壇社廟神如蟲行傳尸瘡瘡鬼鼠跡細者產死半角損者山精石鬼似草書篆字者偽仙

折獄

若獄中見跡知是何崇却作文牒差將於獄中交管收禁邪崇解赴東獄或鄧都斷道法師變神為五雷伏魔使仗劍念折獄咒一遍握五雷局嘆水一口閃目數度存雷光滿室便以劍於獄中畫四縱五橫便將劍斬獄中

灰竹並送長流水中仍以歛火符貼鎮患家然後酒果錢馬犒賞將吏


召五雷行單

法師依法召將畢左手斗訣右手劍訣步斗一座至破軍收脚入左輔上便拋斗訣存斗

蓋頂次左手雷局呪曰

一轉六神藏二轉四煞沒三轉動魁罡四轉雷火騰五轉霹靂發六轉山鬼死七轉收攝眾家為禍鬼神赴吾五雷魁罡之下受死不得動作急急如律令攝

呪盡拋訣於本方上存十一神將雷電霹靂霍草却病人宅舍鬼崇無走處



入門鎖戶

法師到病人門下兩手把握天關地軸望巽吸炁一口閉之默呪曰雷公使者電蜺諸神速轉地軸塞却鬼門上帝救下不得久停急急如律令

呪畢存想五雷使者隊仗如雲把斷門戶
鬼無逃形

照見神鬼

法師依法行持開旗卓劍列印了便令病人
背明向暗合眼少時以朱筆於自己手心寫
雷火二字令病人咳嗽一聲隨聲吸炁吹於
字上或令病人自吹炁於字上尤佳法師望
巽吸炁一口閉定呪曰

雷公降現手持神光下照地府洞徹不祥鬼
神敗露不得隱藏急急如

此極大帝敕

呪盡通炁吹自己掌心壓定鬼炁方令病
人開眼看掌心見甚服色鬼神形像喝令
依實通說自然見形而語也如不驅治便
以五雷總攝符一道以井水服之追去鬼

炁仍給符鎮貼佩帶則自安痊

捉法

法師左手握雷局訣望巽方吸炁一口入中
官閉定即念後呪曰

五雷使者威猛降靈轟天霹靂隊仗如雲速

捉妖魔捕逐邪精吾奉

此極大帝敕

呪盡發訣通炁吹病人頂門上少時見病
人顛便喝云汝是何方邪祟敢來侵害人
民公來私來立便通吐如不通吐即用縛
法如伏道說逐一問之

縛法

法師左手握雷局望巽戶吸炁一口閉定默
誦心呪曰

五雷使者電閃雲奔威攝萬惡天地驚昏手
執龍索速縛冤鬼神靈速下鎮塞鬼門吾奉

此極大帝敕

呪盡通炁拍訣於病人手上仍喝神將即
時縛起如問不通即用枷法

枷法

法師左手雷局望巽吸炁一口閉定默呪曰
五雷使者巽方光華藍靛作體劍刃為牙手
執鉞斧神鬼速枷敢不從令碎如塵沙吾奉
此極大帝敕

呪盡拍訣通炁吹於病人頂上喝云神將

抱頭枷着如不通言仍用考法

考法

法師左手雷局印望巽方吸炁一口閉定默
呪曰

烏東赤帝神五雷使降靈手執決龍杖考鬼
速通名吾奉

此極大帝敕

呪盡拍訣吹炁於病人脊上高聲喝神將
速行考打不服仍吹炁於左右腿上如狂
惡頑猾之祟即行吹法

吹法

法師左手拍狂風訣向巽方吸炁一口閉定
默呪曰
皇天號令巽戶行風鬼着形滅神見消蹤與
吾水鬼名姓速通急急如

此極大帝敕

呪盡拍訣吹炁於病人身上良久即顛更
不通說即行燒法

燒法

法師左手結火印向正南吸炁一口閉定默

呪曰

雷公使者手執火精燒殺鬼賊照敗百靈肢體潰爛糜碎心傾吾奉

北極大帝敕

呪盡拍訣吹炁於病人身上存火焰炎灸

燒之如不通說次行砲法

五雷砲法

法師焚香啓請北極天猷大將急召五雷使者五雷將軍五雷大神雷公霹靂應吾身急急如

○

北極大帝敕

天門悉結五嶽訣拋病人身中

遺鬼法

勸到鬼神通吐因依委無虛妄法師依法差神將解送鄴都或東嶽或城隍仍量輕重送

之左手拍病人本命訣望病人吸炁一口閉

息默呪曰

五方雷使大逞威靈雲集壇所鬼神皆驚為

吾脫繫遺去邪精吾奉

北極大帝敕

呪盡拍訣通炁吹鬼門良上即令神將押

去所貴生死兩全生人安泰神鬼無傷此

法師有功也如欲善遣即差神將送詣東

嶽托生化形此法師好生之德也

五雷總攝符



天火雷神地火雷神五雷降靈鎮

尾關精玉帝初下新誠邪精急息

一轉天地動二轉六神戴三轉四

無波四轉雷火騰五轉霹靂發六

轉山鬼死七轉收攝一切逆天無道一十

五種不正為禍鬼神並赴五雷魁罡之下

受死不得動作急急如律令敕



右符黃紙墨書咬定閉息存雷聲震地符

光萬丈仍取東南炁吹入符中

道法會元卷之五十九

道法會元卷之六十

上清玉樞五雷真文

救病人身

法師變神握訣存想畢左手擎水盂右手執

劍叩齒七通閉目存四獸環布次步入天門

次入文入水入火入金入木至上住脚旋身

入斗中左踏火右踏土土橫火直如丁字密

呪曰

天精地靈神鬼合形急急如

北極大帝律令

月中太陰日中太陽五星璇璣太乙魁罡吾

水一嘜萬鬼滅亡急急如

太上老君律令敕

呪畢以劍指病人嘜之再呪曰

謹敕弟子身中三萬精光八萬靈府五臟

帝君左鬼右鬼咸不動驚青龍白虎朱雀勾

陳玄武赤帝守弟子洞房然後身中邪怪速

斬滅亡傳尸盡症疫毒瘟癘九州社令不得

收藏當境土地聽吾指示司命竈君家先宅

神吾水一嘜不得令嗔有罪者誅無罪者神

神吾水一嘜不得令嗔有罪者誅無罪者神